

BOSNA I HERCEGOVINA

БОСНА И ХЕРЦЕГОВИНА



**Tužilaštvo/Tužiteljstvo Bosne i Hercegovine
Тужилаштво Босне и Херцеговине**

Broj: **T20 0 KTA 0021855 22**
Sarajevo, 02.03.2022.godine


Na osnovu člana 216. stav 3. Zakona o krivičnom postupku BiH, donosim:

**N A R E D B U
o nesprovodenju istrage**

Povodom Izvještaja o preduzetim mjerama i radnjama, Ministarstva unutrašnjih poslova Republike Srpske, Policijske uprave Prijedor, Sektor kriminalističke policije, br. [REDACTED], koji je ovom Tužilaštvu dostavljen dana 16.02.2022.godine, na nadležno postupanje, od strane Okružnog javnog tužilaštva u Prijedoru, uz Dopis broj: [REDACTED], zbog krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. Krivičnog zakona BiH, **jer postoje druge okolnosti koje isključuju krivično gonjenje.**

O b r a z l o ž e n j e

Dana 16.02.2022.godine, Okružno javno tužilaštvo u Prijedoru, uz Dopis broj [REDACTED], dostavilo je Tužilaštvu/Tužiteljstvu Bosne i Hercegovine na nadležno postupanje Izvještaj o preduzetim mjerama i radnjama, Ministarstva unutrašnjih poslova Republike Srpske, Policijske uprave Prijedor, Sektor kriminalističke policije, [REDACTED], sa prilozima, i to: [REDACTED]



Iz navedenog Izvještaja o preduzetim mjerama i radnjama, proizlazi da se dana, [REDACTED], putem telefona u Operativno dežurstvo PU Prijedor, obratio [REDACTED], kojom prilikom je prijavio da se neposredno prije upućenog poziva nalazio u svom putničkom automobilu kretajući se ulicom [REDACTED], gdje je, na mjestu pješačkog prelaza, uočio nekoliko njemu nepoznatih mladih muških osoba koji su na rukama nosili razvijenu zastavu crveno-plave i bijele boje na kojoj se nalazio lik Ratka Mladića; da je tokom obavljanja informativnog razgovora u službenim prostorijama PS Prijedor 1, [REDACTED] na zapisnik izjavio da je navedeni događaj prijavio policiji jer se u tom trenutku osjećao neprijatno, naglašavajući da nije osjećao strah po sopstvenu bezbjednost i da mu se tom prilikom niko od prisutnih nije obratio na bilo koji način; da su policijsku službenici PS Prijedor 1, u periodu od zaprimanja prijave pa do podnošenja Izvještaja prema OJT Prijedor, preuzeli niz operativno-taktičkih mjera i radnji (legitimisanje nepoznatih i sumnjivih lica na području grada Prijedora, opservacija lokacija i objekata na kojima su pisani graffiti, fotografisanje lica mjesta), sve u cilju pronalaska i identifikacije lica; da su operativnim radom na terenu pronađeni objekti sa instaliranim nadzornim kamerama koje su snimile kretanje nepoznatih muških osoba sa navedenom zastavom [REDACTED]; da su ostvareni uvidi na web sajtove ([REDACTED]) o čemu su od strane policijskih službenika PS Prijedor 1 sačinjene službene zabilješke; da policijski službenici PS Prijedor 1 prate aktivnosti pripadnika navijačkih grupa „[REDACTED]“ o čemu su takođe sačinjene službene zabilješke; da je obavljen informativni razgovor sa licem [REDACTED], koji se u vrijeme isticanja zastave sa likom Ratka Mladića, u ul. [REDACTED], nalazio u neposrednoj blizini nepoznatih muških osoba koje su u rukama držali zastavu, a koji je izjavio da mu bilo ko od prisutnih lica nije poznat; da je obavljen informativni razgovor sa [REDACTED], kojom prilikom je isti izjavio da je za pomenuti događaj saznao iz programa televizije [REDACTED] gdje su objavljene snimke navedenog događaja, da je u vezi toga dao izjavu za televiziju [REDACTED], te da se on lično ne osjeća ugroženo; da je na zapisnik uzeta izjava i od [REDACTED] kojom prilikom je isti izjavio da ga okupljanje građana i njihovo skandiranje „Generale nek je tvojoj majci hvala“, te „Ratko Mladić“, nije na bilo koji način ugrozilo ali da zbog navedenog osjeća određenu dozu straha i psihološke nesigurnosti. U Izvještaju je takođe navedeno da će policijski službenici PS Prijedor 1, ukoliko dođu do korisnih saznanja i informacija u pogledu identifikovanja lica i rasvjetljavanja navedenog događaja biti proslijedena dopuna izvještaja.

Nakon uvida u dostavljeni Izvještaj i navedene priloge, ovo Tužilaštvo je donijelo odluku o neprovođenju istrage, iz sljedećih razloga:

Članom 145a. Krivičnog zakona Bosne i Hercegovine, u stavu 6., propisano je: „Ko dodijeli priznanje, nagradu, spomenicu, bilo kakav podsjetnik ili bilo kakvu privilegiju ili slično licu osuđenom pravosnažnom presudom za genocid, zločin protiv čovječnosti ili ratni zločin, ili imenuje javni objekat kao što je ulica, trg, park, most, institucija, ustanova, opština ili grad, naselje i naseljeno mjesto, ili slično, ili registruje naziv po ili prema licu osuđenom pravosnažnom presudom za genocid, zločin protiv čovječnosti ili ratni zločin, ili na bilo koji način veliča lice osuđeno pravosnažnom presudom za genocid, zločin protiv čovječnosti ili ratni zločin, kazniće se kaznom zatvora od najmanje tri godine“.

S obzirom na sve okolnosti predmetnog događaja, dokumentaciju u spisu, te ostale operativne podatke, a posebno činjenicu da ovlaštena službena lica, uprkos nizu provedenih operativno-taktičkih mjera i radnji, nisu bila u mogućnost identifikovati lica, odnosno mlađe muške osobe, koje su počinile krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 6. Krivičnog zakona BiH, ovo Tužilaštvo je, na osnovu člana 216. stav 3. Zakona o krivičnom postupku BiH donijelo Naredbu o neprovođenju istrage, jer postoje druge okolnosti koje isključuju krivično gonjenje.

U smislu člana 216. stav 4. Zakona o krivičnom postupku BiH, o odluci će biti obaviješten podnositelj krivične prijave, ██████████, koji na ovu odluku ima pravo podnijeti pritužbu uredu Tužioca u roku od 8 (osam) dana.

T U Ž I L A C
TUŽILAŠTVA/TUŽITELJSTVA BiH